



I ladins va sot tla prüma pert de partida y ne é nia plö bugn de recuperé le svantaje.

Le La Val ne é nia bogn de porté tl ciamp dl Falzes la grinta mostrada cuntra le Pretau le fin dl'edema denant. I padruns de ciasa se porta in vantaje bel tl pröm tēmp y mantēgn le resultat invarié cina la fin.

Le pröm gol toma bel ti prüms menüc dla partida. Dal limit vëgn l'atacant lascé sú a trá cuntra porta, Sepl pro de desfanté la trata mo sön la rebatüda röia ciamó en sogadú dal Falzes a

apogé te rēi ladina. Le ciamp pesoch da Falzes ne é nia d aiüt por i ladins che ne abina nia le dērt ritm de jüch. Insciö radopiëia le Falzes le resultat ala cherd'ora cun na passaja alta amez por l'atacant che controlëia a dovëi y tira sēch al jore sura Sepl it cuntra porta. Na ocasiun di ladins sōn trata dal ciantun al 25<sup>^</sup> cun Stefan che pro de ce mo le portier deloj le curan sura porta fora. Dan la fin dl pröm tēmp ne devēnta trames dōes scuadres nia plö prigoroses y va tla palsa sōn le 2-0.

Le alenadú dl La Val mūda val toch dla formaziun dla secunda pert y chēsc porta ince sū früc. Ara va da tigní sō i avversars y a soghé le palé te area avversara. Gunot mēss i sogadús protesté cuntra les dezijiuns dl mandl fosch, che ne é nia tres a üna cun les sogades sōn le fí de forajüch. Scialdi tres ne rōia insciö nia i ladins pro porta a trá y mēss pié ia l'aziun danü.

Al 70<sup>^</sup> ti sciampa Franz ala defenjiun y passa a Michele che rōia sú cuntra porta. Avis a ala trata vëgnel metü fora de eculiber dal defensur avversar y toma a tera. L'arbiter ne archita nia le jüch y vëgn metü a dūra proa da les protestes di ghesch: al se tēgn indere toch a sūa dezijiun.

Ti ultims vint menüc ne garet a nia le gol y insciö pó i padruns de ciasa se mēt al sigü i trēi punc. Por le La Val na pordüda antia che pó ma fa da insegnamēt por les proscimes partides.

### Falzes – La Val 2-0

**Formaziun La Val:** 1. Sepl Kantioler, 2. Paolo Vallazza, 3. Alan Ellecosta (dal 45<sup>^</sup> Kevin Kastlunger), 4. Michele Campeï, 5. Christian Terza, 6. Philip Moling, 7. Felix Nagler (dal 70<sup>^</sup> Marco Ellecosta), 8. Stefan Sottara - capitan, 9. Franz Tolpeit, 10. Mattia Mutschlechner (dal 45<sup>^</sup> Manuel Ties), 11. Alex Rubatscher (dal 80<sup>^</sup> Thomas Oberlechner)

***Proscima partida:*** In duman sabeda dales 16:00 a a Uttenheim cuntra la squadra de ciasa

**Atri resultat de chësc fin dl'edema:**

Allievi (Val Badia): Val Badia - Neugries B 0-4

Giovanissimi (Mareo/La Val): Feldthurns - Mareo 6-2

U-12 (La Val): Valdaora - La Val 7-0